

cola Lacte, Caseo, Butyro, & Carnibus. Ibi inter angustias montium nulli, aut pauci feruntur Agri, raræ plantantur Vites. Hortos pomiferos habent, & prata letissima. Vinum & Frumentum aliunde invehuntur. Pisces Lacus subministrant, Aves carnesque ferinas Montes silvosi suppeditant. Patriam hanc Henricus Glareanus & Egidius Tiscudus, doctissimi Viri, ortu nobilitarunt. His accensentur *Hamburg Comitatus*, *Humberg Baronatus* & *Ringenberg*. Est autem *Glarona* in xv partes distributa, quas vocant *Taguvan* Imperat V *Verdenbergen* Comitatus, quem emerunt, anno 1517. Cum Suisiis alternatim Praefectos mittunt Vzenacum, Visnac, & in Castra Rhetica V *Vesom*. Sed hæc hæcenus, nunc generalia quædam de hac Helvetiæ parte subjungamus, inter quæ Lacus primum sese offerunt, inter quos miraculi causa memorandus *Lacus Pilati* cognomine, qui in Monte, quem *Fractum*, vocant, haud procul Lucerna pæne in summo montis jugo, paludinoso solitarioque situs, Silvis undique circumdatur, ne scilicet a quoquam irritetur. Ferunt enim, quæ in eum de industria injiciuntur maximas ciere tempestates, omniaque undis opplere, qui sæpe tentarunt & experti: quæ vero casu incidunt nihil adferre periculi. Locus est visu horrendus, aqua suo alveo inclusa, nec exitum habet nec flumen in se recipit aliquod, nec nivibus nec pluviis augetur. Vento etiam minime agitur, quin semper sibi similis nigras suas tuetur undas, nec fas est peregrinis eum adire locum, ne temere quid injiciant, unde vicina periclitetur regio. Inter flumina vero quibus hæc Helvetiæ portio irrigatur, sunt *Limagnus*, hic apud Glaronenses oritur, ac in media ipsorum regione *Serniphius* alterum ex altera valle delapsum amnem accipit. Deinde infra *Urnas* (duorum vicorum nomen est) supra *Latericum Pontem* (ita vocant) ex Lacu Vesenio accepta aqua, *Marcham* (qui fuit olim Helvetiorum in Rhetos finis, & Helvetii ita *Terminum* vocant) ac Castra Rhetorum & huic loco etiamnum nomen manet *Gastra* determinat. Hinc Lacum Tigurinum ingressus ad ostia ejus Tigurum amplissimam Helvetiorum urbem dividit: mox *Aguas*, memorabilem in Helvetiis locum propter calidas illic aquas, Græci *Thermas* vocant, delabitur. Deinde haud ita longe *Vrfa* ac *Arolæ* miscetur. *Vrfa* sane, quem fluvium transpositis duabus prioribus literis vulgo *Rusam* vocant, in summis Alpibus, quibus hodie *S. Gothardi* nomen est, oritur, ac recta ad Septentrionem labitur, quum contra *Ticinus* ex eodem jugo per Lepontios in Meridem, *Vrsulam* sive *Vrsellam* primam vallem Reticam, deinde *Vriam* Tauriscorum gentis Gallicæ reliquias, venit, ubi lacui miscetur, qui *Vros*, *Suizos*, *Silvanos* ac *Lucerinos*, quatuor Silvæ Civitates (nam ita appellant hodie) alluit. Porro deinde Tuginis amnis susceptis *Bremgarten* ac *Melligen* (Opida sunt ditionis Helveticæ) lapsus infra *Brugas Arolæ* commiscetur. Ad Confluentem autem tria Helvetiorum flumina *Limagnus*, *Vrfa* & *Arola* in Rhenum exonerantur. Sed de Helvetia, ejusque partibus quæ dicta sunt hæcenus sufficiant, ad Inferiorem Germaniam transeamus.